


增補元明史略

四

リ 8
5855
4



門 78
號 5855
卷 4

增補元明史略卷之四

日本 讚岐 後藤世鈞 編次

平安 藤原正臣 增補

明下

光宗貞皇帝名常洛神宗長子

補 萬曆四十八年八月即位以今年為泰昌元年

補泰昌元年八月罷天下礦稅及監稅中官起用建言得

罪諸臣○贈故帥劉綎秩立廟祀之廢其後因遣使祭陣

亡諸將士○五星鬪東方頃之有白氣長竟天○有如日

者三並出尋乃滅○旌德人舒倬俊性至孝年十二見母

王氏病篤每泣禱祖美應公墓所願以身代○夕倬俊中

焚毒強之藥弗飲泣語母曰昨祖來告兒謂兒死母病當

曾補元明史略卷之四



代母墓

愈王氏哭之慟，倬俊張目，熟視曰：兒死事小，有母在，得善事兒父，而兒兄若弟，不至失怙，兒無憾矣。語畢，遂瞑。未幾，其母病果愈，里人奇之，題其墓曰：代母墓。蓋童年死孝，古未有者。○丹陽蝗，有蒲太王者，善禱術，獨一家不與禱。蝗集其田，數畝立盡，隣田不損一類，俱去。○帝以邊數告急，乃令徐光啟督練京兵，為內衛，因發帑金百萬，犒九邊。○詔起廢官，皆抗言得罪，降斥謫，成永錮，沒身者。○葉向高輔首。○帝不豫，服崔文昇藥，不起，遂崩。時九月朔也。帝在位僅三旬，選侍李氏移居，再仁壽殿，從御史楊漣等之議也。初，鄭貴妃侍神宗，疾留居乾清宮，及帝崩，移懼帝以前福，王事街，已進珠玉及美姬，帝求封皇太后，帝力疾御門，趨舉冊封禮，禮部侍郎孫如游

三案之一

三案之一

力爭事得寢時，都下紛言貴妃使內侍崔文昇進藥，帝由此委頓，群情疑駭，外家王郭二戚，晚謁朝士，泣懇宮禁危急，狀言鄭李交甚固，包藏禍心，於是給事中楊漣御史左光斗，昌言於朝，與吏部尚書周嘉謨，以大義責貴妃。兄弟鄭養性，趣貴妃移宮，貴妃恐，即移居慈寧。二十一日，帝疾大漸，召見閣臣，方從哲等，乾清宮命，封選侍為皇貴妃。如選侍趙皇長子，出曰：欲封皇后，帝不應，群臣愕然。從哲命鴻臚寺丞李可灼進藥，可灼自云：仙方所謂紅丸者，也。帝服訖，稍忠臣者，再諸臣退，可灼復進一丸，明日帝崩，選侍與心腹，閣魏進忠，謀挾皇長子自重，群臣入，臨為閣人所格，楊漣厲聲責之，得入，臨如禮，劉一燝，誥皇長子，所在群閣不應，一燝大言：誰敢匿新天子，若東宮伴讀王安入，曰：選侍抱皇長子，出，連乃追及，掖外，輦至文華殿，羣臣叩頭呼萬歲，擇日登極，漣與左光斗等言：皇長子無嫡母，生母是議，令選侍移宮，爭數日，冲主，付託也。於

熹宗皇帝名由校，光宗長子。○賜太監魏進忠世廕，封乳母客氏為奉聖夫人，進忠初為帝母王才人，典膳，因魏朝以結王安與乳媪客氏私，帝嗣位，進忠客氏並有寵，進忠

魏忠賢
客

後改名忠賢。補罷熊廷弼，以表應泰。經畧遼東，廷弼有膽畧知兵，然性剛好，嫚罵物情不甚附。為言者劾，廷弼憤甚，抗疏求罷，朝議以應泰代之。○天啟元年，御史焦源溥等請誅崔文昇等，不可。補三月，遼東經畧袁應泰議三路出師，復撫順未行，奴兒哈赤入寇，薄瀋陽。總兵賀世賢等戰死，城破，應泰撤奉集威寧諸軍，並力守遼陽，引水注濠，沿濠列火器。滿洲兵掘城西，開洩濠水，分兵塞城東水口，渡濠入城，應泰佩劍印自縊。御史張銓副使可廷魁等俱不屈死。滿洲兵循海而南，朝議遣使分道募兵，前後糜帑數百萬，然所募皆市井烏合。臨陣先走，甚者遁為盜，奸民揭竿從之，中原自此多事。○四月，宦者魏忠賢矯詔殺前大

改氏
簡

監王安初，帝之立也，王安與諸大臣同受顧命，見忠賢侵權，欲重懲之。忠賢與客氏同謀殺安，安既死，而忠賢益無所憚矣。忠賢闇文義，乃取舊司禮監李永貞入，備贊畫。李明道、崔文昇等各司監局，探帝意為奸，凡宮嬪內侍與魏客不協者，巨計殺之。帝性好機巧，親斧鋸椎鑿，漆之為之，忠賢因得擅威福。○給客氏地，以陵工成，命叙錄魏忠賢、御史王心一、馬鳴起等先後糾之。帝怒，降調有差。補時瀋陽、遼陽失，京師大震。劉一燝曰：「使熊廷弼在，當不至此。」帝乃召廷弼於家，廷弼議廣寧用馬步兵，列壘三岔河上，天津、登萊各置舟師，三方並進，遂命廷弼駐山海關，經略軍務。廣寧巡撫王化貞與廷弼議不合，兵部尚書張鶴

增補元陽山人格卷之四

奢崇
明叛

鳴。九。主。化。貞。議。凡。廷。弼。所。奏。請。輒。從。中。沮。格。之。廷。弼。憤。甚。至。冬。廣。寧。人。傳。敵。兵。且。渡。河。兵。部。趣。廷。弼。出。關。策。應。廷。弼。乃。令。諸。將。分。守。鎮。武。閭。陽。西。平。而。自。出。關。駐。右。屯。○。九。月。四。川。永。寧。宣。撫。司。奢。崇。明。叛。奢。氏。猱。獠。種。也。洪。武。中。歸。附。命。為。宣。撫。世。守。其。土。數。傳。至。崇。明。崇。明。與。子。寅。有。逆。志。招。納。亡。命。時。以。邊。事。急。徵。四。方。兵。崇。明。以。兵。詣。重。慶。巡。撫。徐。可。求。汰。其。老。弱。餉。復。不。繼。遂。據。城。叛。蜀。土。震。動。崇。明。後。州。遵。義。新。都。內。江。進。圍。成。都。布。政。使。朱。燮。元。周。著。等。分。門。固。守。石。砦。女。士。司。秦。良。玉。發。兵。援。成。都。圍。遂。解。明。年。夏。復。慶。○。二。年。正。月。滿。洲。兵。渡。遼。河。攻。西。平。堡。先。是。王。化。貞。上。言。臣。願。請。兵。六。萬。一。舉。蕩。平。熊。廷。弼。以。為。不。可。廷。臣。與。廷。弼。議。合。者。御。史。江。秉。謙。等。數。人。餘。皆。右。化。貞。張。鶴。鳴。篤。信。

安邦
彥叛

化。貞。請。撤。廷。弼。他。用。帝。不。從。於。是。化。貞。盡。發。廣。寧。兵。廷。弼。亦。檄。諸。將。來。會。遇。敵。兵。於。平。陽。橋。鋒。始。交。游。擊。孫。得。功。遽。走。呼。曰。兵。敗。矣。諸。軍。皆。走。總。兵。劉。渠。祁。東。忠。副。將。劉。徵。戰。死。羅。一。貫。自。刎。西。平。堡。陷。得。功。遂。降。廷。弼。師。次。閭。陽。驛。聞。敗。還。時。廣。寧。城。中。訛。言。敵。已。薄。城。居。民。驚。竄。化。貞。莫。知。所。為。單。騎。西。奔。遇。廷。弼。於。大。凌。河。化。貞。哭。廷。弼。微。笑。曰。六。萬。眾。一。舉。蕩。平。竟。如。何。化。貞。慚。議。守。寧。遠。及。前。屯。廷。弼。曰。已。晚。惟。護。難。民。入。關。可。耳。乃。以。已。所。將。五。千。人。授。化。貞。為。殿。盡。焚。積。聚。與。諸。將。先。後。入。關。給。事。中。侯。震。賜。等。請。並。逮。二。人。以。伸。國。法。遂。下。獄。論。死。鶴。鳴。亦。罷。歸。○。六。月。貴。州。水。西。土。酋。安。邦。彥。叛。邦。彥。陷。炎。方。松。林。等。圍。普。安。南。雲。南。都。司。李。夫。常。帥。兵。救。之。遇。伏。全。軍。皆。沒。於。

徐鴻儒亂

是交水曲靖武定尋甸
崇明之間駭然苦兵兵
○修撰文震孟上言勤政講學之

實疏入忤魏忠賢帝怒謫歸○山東妖賊徐鴻儒倡亂深

州王好賢景州于弘志三方同起撫臣趙彥發兵捕之

鴻儒每野人草營末以自蓮教惑眾數千人深州人王森

嘗救一妖狐妖狐斷尾令藏之招人聞其查多歸附之

號聞香教森死道貫巨萬于好賢藉其資以結客有異志

景州于弘志以教捧篲會惡少年好賢與通密約鴻儒三

方同起鴻儒攻鉅野縣及鄆縣知縣余子翼逃又進陷鄉

縣膠縣遂踞二城巡撫趙彥發兵捕之賊不能支遂奔官

軍尾其後襲之連戰皆捷賊勢窮景州于弘志亦為官

兵斬餘賊披靡四散九月鴻儒遂降磔于市王好賢南走

至揚州就擒加趙彥發

部尚書餘進秩有差

補三年正月遣中官刺邊事帝好

察邊情常遣中官詣關門具事狀奏報名曰較事及魏忠

賢竊柄其黨劉朝等四十五人先後至山海關薊遼經畧

孫承宗疏言中使觀兵自古有戒帝不省

補五月四川總

督朱燮元會諸軍復遵義遂進克永寧降賊眾二萬奢崇

明父子窮蹙率餘眾投水西安邦彥與合兵復犯遵義官

軍敗之禽崇明妻及女弟蜀中遂靖未幾貴州巡撫王三

善為邦彥所襲死崇明勢復張

補七月客氏魏忠賢恐官

中人白其罪惡矯旨賜光宗選侍趙氏自盡幽裕妃張氏

別宮絕其飲食天雨妃匍匐承檐溜飲之而死皇后數於

帝前刺客魏過失是年后有娠客氏以計墮之帝用此之

嗣又以帝郊祀日掩殺帝所寵馮貴人左右無敢言者范

慧妃以讒失寵李成妃為之乞憐客魏知之亦幽成妃別

宮妃豫儲食物簷瓦間半月不死斥為官人

補時東林勢

盛韓爌鄭三俊李邦華高攀龍並通顯楊連左光斗魏木

曾補元明史格卷之四

五

上楊
疏漣

中表化中等。激揚諷議。魏忠賢頗憚之。於外事不敢大肆。
補魏忠賢每出車馬儀衛。僭擬乘輿。提督東廠。用許顯純
 為鎮撫司理刑。鍛鍊殘酷。士大夫多被戕死。○四年六月。
 御史楊漣疏奏魏忠賢二十四罪。忠賢亦有疏辭。啟疏先
 下。備極溫諭。次日下漣疏。切責不少貸。諸臣公憤。繼漣上
 疏者不下百餘人。帝溫旨悉數。忠賢勤勞。責羣臣附和。補
 五年正月。崔呈秀為御史。先是呈秀按淮陽。高攀龍發其
 贓私。趙南星議戍之。呈秀寤。夜走魏忠賢所。叩頭乞為養
 子。涕泣言南星攀龍輩皆東林邪黨。時忠賢為廷臣交攻。
 思假事端。傾陷正士。得呈秀恨相見晚。遂用為腹心。日與
 計畫。復其官。越二歲。遂進兵部尚書兼左都御史。出入烜

赫勢傾朝野。陰排諸異已者。羣小並進。善類為一空。○六
 月下。都給事楊漣魏大中。僉都御史左光斗。中書舍人吳
 懷賢等。於獄俱死于獄中。御史惠世揚。夏之令。刑部侍郎
 朱世守。大理寺丞楊一鵬。兵部侍郎劉策等。俱削籍。並以
論魏客也。補八月。御史張訥請毀天下講學書院。力詆講
 學諸臣。尚書孫慎行等數人。俱削籍。又列顧憲成已下數
 人為東林奸黨。悉刊黨人名。示天下。補六年正月。奴兒哈
 赤入寇。圍寧遠城。參政袁崇煥集將士誓死守。盡焚城外
 民居。攜守具入城。檄前屯及山海關。凡將士逃至者。悉斬。
 人心始固。虜兵薄城。進攻。城上火器礮石。齊下。殊死戰。虜
 兵退。明日再攻。遂不能克。奴兒哈赤起兵。已來戰無不捷。

攻無不克。惟寧遠城不下。不憚而歸。事聞。擢崇煥僉都御史。巡撫遼東。駐寧遠。○三月。水西苗老虎阿引等殺賊首奢寅來降。○八月。奴兒哈赤殂于瀋陽城。奴兒哈赤其武有大略。騎射絕倫。統一諸國。及取瀋陽遼陽。將居于遼陽。貝勒諸臣俱請還國。奴兒哈赤曰。今克此城。天授我以遼陽也。且此地乃明及朝鮮蒙古接壤要害之區。宜居之。遂迎妻子居于焉。明年更築城于遼陽之東五里。太子河邊。遷居之。名曰東京。居三年。復自東京遷於瀋陽。遂殂焉。壽六十八。是為清太祖。第八子皇太極即位。皇太極狀貌奇偉。勇力絕倫。奴兒哈赤曾委以家事。於是即位。改明年為天聰元年。大赦國中。○十月。進魏忠賢爵上公。又建其生祠。

鄭芝龍
初芝

於西湖。從浙江巡撫潘汝楨請也。詔賜祠額。勒石記功德。閣臣撰文書冊。有以入祠不拜。削籍論死者。○七年六月。海寇鄭芝龍犯閩中銅山等處。芝龍泉州南安縣石井人。字飛黃。小名一官。其大父紹祖為泉州太守。葉善繼更芝龍友。十歲嘗戲投石子。誤中善繼額。擄治之。見其容秀麗。笑而釋之。居無何。落魄數歲。與其弟芝虎流上海島。顏思齊黨中為盜。思齊死。眾推芝龍為魁。縱橫海上。官兵莫能抗。朝議命葉善繼招撫之。芝龍感思歸命。及降。善繼坐戰門。令芝龍兄弟。泥首芝龍素德善繼。屈意下之。而一軍皆譁。竟叛去。復歸海島。劫商。○七月。滿洲兵圍錦州。總兵趙率教固守。巡撫袁崇煥遣精兵四千。繞出滿洲兵後。大戰。敗之。魏忠賢使其黨劾崇煥不救錦州。崇煥乞休去。以王之臣代之。○八月。帝崩。無嗣。遺命以信王入繼大統。毅宗烈皇帝名由檢。熹宗之弟。初封信王。熹宗崩。入繼大

曾補元月各卷之四

魏 伏誅客

魏 伏誅客

○十一月。誅魏忠賢客氏。其黨相繼伏法。法司追論忠

賢等罪。帝命磔忠賢屍。戮客氏屍。天下快之。帝素惡忠賢。即位後。

深自儆備。廷臣交章劾忠賢。大懼。以重寶啗信。即。大

監徐應元。求解。帝存。應元。安置。忠賢。於鳳陽。既行。遣使。逮

之。忠賢及其黨。並伏誅。籍其家。○補 罷諸邊鎮守中官。○

崇禎元年正月。禁士庶衣飾。侈僭。及婦女金冠袍帶等。○

命內臣俱入直。非受命。不許出禁門。○諭戒廷臣結交近

侍。○補 四月。以袁崇煥督師。薊遼。初崇煥以忤魏忠賢去。至

是進兵部尚書。督師薊遼。○七月。鄭芝龍降于福建。巡撫

熊文燦。海上故多盜。芝龍尤猖獗。然有求撫。意嘗敗。官

燦善。遇之。芝龍先。後擊。數。大。寇。○補 寧遠諸營兵。以缺餉。大

課縛巡撫總兵官等。督師袁崇煥馳至。撫定之。時度支大

絀。錦州薊鎮兵相繼譁。戶部尚書畢自嚴言。一歲之出。浮

於所入。一百一十三萬有奇。而內供。台買。不與焉。帝命廷

臣各陳所見。自嚴擇其可者。先後列上。增鹽引。議鼓鑄。括

雜稅。覈隱田。增關課。皆瑣屑權宜之計。民以重困。○陝西

饑。流賊大起。府谷民王嘉胤倡亂。饑民附之。白水盜王二

等亦合。徒眾劫掠。時承平久。猝被兵。人無固志。延安人張

獻忠從嘉胤。陰謀多。賊中號小大王。其部最強。時稱獻賊。

○補 安塞馬賊高迎祥亦起。自稱闖王。饑民王大梁等應之。

○補 二年。帝憂國用不足。從給事中劉懋。議裁驛站冗卒。山

陝游民仰驛糶者。無所得食。皆從賊。○四川總督朱燮元

討奢崇明安邦彥平之。燮元。檄雲南兵。下。烏撒。四川。兵

出。永寧。下。畢節。而。自。率。大軍。駐。陸

王亂 嘉倡 亂 起 獻 賊

曾補二月各卷之四

廣通大元 貴州總兵許成名由永寧復赤水邦彥與崇明合衆十餘萬來攻變元合成名伴退誘賊而遣兵三路搗其巢四川總兵侯良柱遇賊於永寧與成名合擊 **補** 十一

月滿洲皇太極帥軍入寇入洪山口別將陷大安口會遵

化山海關總兵趙率教入援戰死全軍覆沒巡撫王元雅

與將士憑城拒守城破皆死之閱日京師始得報詔天下

勤王滿洲兵已自順義西薄都城尋陷良鄉迴軍至蘆溝

橋進逼永定門援軍總兵官滿桂戰沒京師大震 **補** 十二

月薊遼督師袁崇煥聞警入援所過諸城皆留兵守帝聞

其至喜甚令盡統援軍時所破隘口乃薊遼總理劉策所

轄都人驟遭兵怨謗紛起謂崇煥縱敵朝士因前通和議

誣其引敵脅和滿洲兵聞之乃設間謂與崇煥有成約語

聞於帝帝信之遂執下詔獄 ○三年五月設曆局徵西洋

陪臣湯若望羅雅谷供事曆局 **補** 帝欲罪臺官禮部尚書徐

光啟言臺官測候本郭守敬元時嘗當食不食無怪乎日

之失雖守敬舊法本未盡善抑亦年遠數贏宜及時修治

徒之詔西洋人龍華民等推崇光啟為監督 **補** 滿洲兵已

西法之行自此始至是徵湯若望等供事

陷遵化永平遷安灤州皆留兵防守至是東還分兵攻山

海關守將官惟賢力戰乃還攻撫寧昌黎京師道梗督師

孫承宗總兵官祖大壽在東馬世龍及四方援軍在西承

宗遣兵戍開平復建昌聲援始接滿洲兵遂棄永平出冷

口而還承宗始復四城 ○王嘉胤引陝西人入掠 **補** 陝西

入援多逃歸與譚而懼譚者皆貪 盜神一元破寧塞據之

補 八月殺前督師尚書袁崇煥 **補** 十二月帝以兵食不足

欲增田賦命戶部協議尚書畢自嚴請畝加三釐於是增百六十五萬有奇合舊所增凡六百八十餘萬海內咨怨

補四年四月副將曹文詔破賊于河曲先是王嘉胤久據

河曲文詔絕其餉道困之嘉胤遁去為左右所殺其黨共

推王自用為魁自用結羣賊高迎祥張獻忠等共三十六

營眾二十餘萬聚山西**補**陝西米脂縣人李自成自延綏

往依高迎祥號闖將自成性狡黠善走能騎射與姪李過

為暴于鄉懼罪逃入甘肅為兵以功陞把總殺王參將遂

為賊○九月遣中官王應朝等監視諸邊軍餉命張彝憲

總戶工二部帝初盡撤鎮守中官委任大臣既見廷臣

視關寧宣大山山西軍馬以張彝憲有心計令鈞校戶工二

起闖賊

朕亦何藉內臣眾不能對中 ○五年三月工部侍郎高弘

圖上言內臣張彝憲奉總兩部之命辱朝廷褻國體言太

切直不聽疏七上竟削籍禮部主事周鏞亦上言論內臣

帝怒削籍**補**八月副將曹文詔與右光先等分勦宜君清

湖米脂合水賊皆大捷文詔在陝大小數十戰功最多巡

撫范復粹上功狀為兵部所格賞不行**補**九月賊將高迎

祥羅汝才張獻忠等分道四出連陷大寧隰州澤州壽陽

諸州縣全省震動部議令宣大總督張宗衡駐平陽巡撫

許鼎臣駐汾州分地守禦已而李昇賀人龍艾萬年將關

中兵至鼎臣檄以自從宗衡怒其不從已檄之還三將莫

之適從賊乘間入據磨盤山出陷交城文水澤州遼州平

順^補六年二月流賊犯畿南河北總兵曹文詔等屢敗之
^補七月滿洲兵陷旅順^補十一月賊盡集河北屢為諸將
所敗乃詭辭乞降監軍內臣楊朝進信之為入奏會天寒
冰合賊乃渡河而南河南軍無扼之者遂陷澠池伊陽盧
氏巡撫元默督軍禦之賊由間道入內鄉大掠南陽汝寧
直走湖廣賊始起陝西高迎祥最強李自成屬焉及渡河
自成別為一軍^補七年正月賊張獻忠等突漢南州縣遂
陷夔州遠近皆震○三月山陝大饑民相食發金賑之^補
四月滿洲定官名又改瀋陽為盛京○六月江西饑連賊
益多進士陸運昌上撫字八條帝可其奏^補賊犯鄭陽商
南總督陳奇瑜檄陝西河南湖廣兵擊大破之擒其魁數

人張獻忠奔商洛高迎祥李自成遁入興安車箱峽官軍
圍之賊大窘以重寶賄奇瑜左右及諸將偽請降許之縱
遣賊出峽即大譟屠所過七州縣畧陽賊數萬亦未會關
中大震^補七月滿洲皇太極伐察哈爾旋師寇大同宣府
攻陷城堡數十京師戒嚴竟陷萬全左衛乃去○八月帝
憂冠詔發各鎮兵四萬五千豫備賊衝突凡十三營^補十
一月逮陳奇瑜下獄以洪承疇代之高迎祥張獻忠李自
成等自陝西東出關陷陳州破汜水固志大會於滎陽遂
陷穎州知州尹夢鼈指揮李從師等皆戰死賊每營數萬
因糧宿飽人有副馬官軍兵寡備多饋餉不繼且馬少總
兵左良玉在懷慶與督師巡撫議不合檄調不時應帝命

洪承疇出關急勦限六月平賊補八年正月賊陷鳳陽焚皇陵殺軍民留守朱國相等戰死是時賊之慘毒不可舉言至有縛人之夫與父而淫其妻女然後殺之或剖孕婦腹驗男女胎或以大鍋煮油擲孩子於內觀其跳躍為樂者補初洪承疇出關至信陽諸將畢會賊見河南兵盛六月分路奔還陝西張獻忠由英霍取道麻城入陝會高迎祥李自成於鳳翔副將艾萬年柳國鎮等戰歿總兵官曹文詔憤甚以三千人大戰斬首五百追北三十里賊伏數萬騎合圍文詔徒步轉鬪與遊擊平安等二十餘人皆死補八月以盧象昇進兵部侍郎總理山西陝西軍務以賊已蔓延半天下洪承疇一人不能顧也補九月洪承疇破

滿洲建國號曰大清

賊黨李自成推王為闖

賊於渭南補九年正月高迎祥等圍滁州盧象昇帥兵來援大戰於朱龍橋賊連營俱潰西入歸德分道犯南陽裕州象昇擊敗之賊精銳幾盡補四月滿洲建國號曰大清改元崇德補七月清兵入昌平連陷畿內州縣乃下詔徵諸鎮兵入援皆不敢戰八月清兵退去補孫傳庭代洪承疇為巡撫銳意滅賊與副將賀人龍等擊賊首高迎祥於盤屋擒之獻俘闕下磔死賊黨乃共推李自成為闖王補諭廷臣助餉未幾又括勦戚文武諸臣馬開銀鐵銅鉛諸礦補盧象昇擊賊屢有奇勝賊勢漸衰大學士溫體仁忌其功以王家楨代象昇家楨故庸才賊無所憚補十月工部侍郎劉宗周累疏陳時政語多激切為溫體仁所忌請

清降朝
于解

告去至天津聞京師被兵留不行上疏極言體仁奸邪致
刑政乖舛及宦官不宜總軍務凡數百言帝怒斥為民
十年正月張獻忠等自襄陽順流東下犯安慶連營百里
詔左良玉馬嶺劉良佐合兵往援大破賊賊復出太湖敗
官軍於鄧家店殺參將四十餘人遂陷和州劉良佐赴援
賊始遁獻忠入湖廣補二月清兵攻朝鮮克王京圍國王
李倧於南漢山城已復破江華島倧遂出降補三月以楊
嗣昌為兵部尚書嗣昌有口辨帝以為能所奏請無不從
議大舉平賊分各省官軍為四正六隅隨賊所向征討因
增兵十二萬增餉二百八十萬民大困怨帝下詔有暫累
吾民一年除此腹心大患語時福建巡撫熊文燦大言自

詭足辦賊嗣昌薦之命總理南京河南山陝川湖軍務文
燦大募粵人及烏蠻善火器者以從已見賊勢盛連疏言
招撫帝譙讓嗣昌乃條上用兵事宜刻期明年二月平賊
然文燦終主撫新增勦餉多資以撫賊嗣昌陰主之明年
以賊賊踰期請貶削洪承疇等秩而置文燦不罪補十月
李自成窺蜀中空虛乘間陷寧羗破七盤關分三道入蜀
總兵官侯良忠禦之於綿州戰死遂連陷諸州縣進逼成
都洪承疇等帥兵來援自成乃由洮州入番地官軍轉戰
千里不解甲者二十七晝夜自成引殘卒竄入岷州補十
一年正月裁南京冗官補四月副將孫應元等連敗賊於
鄭州賊謀犯江北應元等扼其前復連敗之賊渠劉國能

馬士秀先後詣熊文燦降。張獻忠為左良玉所敗，亦乞降。良玉知其詐，請急擊之。文燦不聽而受之。補九月，清兵分路入墻子嶺、青山口，薊遼總督吳阿衡防之，戰死。監視中官鄧希詔遁走，復廬象昇督宣大山西兵入衛。補十月，廬象昇至，帝命與中官高起潛督援軍。大學士楊嗣昌與起潛主和，象昇主戰，議不合。清兵分三路南下。補李自成復謀犯蜀，馬科賀人龍拒之，乃走漢中。又為左光先所扼，其黨皆降。惟自成東遁，洪承疇設伏於潼關之南原，大破之。自成妻女俱失，徙數騎遁南洛。時關中賊略盡，張獻忠已降。惟羅汝才等十餘部往來豫楚，窺陝西，亦以求撫。給熊文燦孫傳庭復敗之於關鄉，尋得文燦，止兵，檄快夕而還。

未幾，承疇傳庭皆入衛。北行，賊遂不可制。補十二月，清兵已陷幾輔城數十，前大學士高陽孫承宗死之。轉戰至山西，總兵王樸引兵還鎮。廬象昇引軍至鉅鹿，高起潛擁關寧兵在雞澤，相距五十里。象昇遣使乞援，不應。行至萬水橋，力戰死。補十二年二月，清兵北而至天津。先是劉宇亮自請督察軍情，抵保定。聞廬象昇敗，懼甚，急趨晉州，不敢戰。清兵出青山口東歸，帝逮治失守，封疆諸臣三十六人。同日棄市。補四月，總兵左良玉敗賊於鎮平關。補張獻忠在穀城擁兵索餉，日肆劫奪。至是復叛，毀穀城，陷房縣。左良玉等追至羅猴山，遇伏，大敗。時李自成亦出，收餘衆，往依獻忠。補八月，詔逮熊文燦，論死。以左良玉有大將才，拜

李自成 洛陽 殺 王 福

平賊將軍討賊張獻忠屢敗於興安求撫不許其黨多未
降軍聲頗振補十三年二月左良玉大敗張獻忠於太平
斬賊渠十六人補十四年正月張獻忠與羅汝才合敗官
軍於夔州賊勢大張轉戰入蜀中越成都陷瀘州入巴州
官軍追擊之於黃陵城賊密遣精卒行箐谷中乘高馳下
左良玉軍先潰參將劉士傑等戰死賊遂席卷東出四川
補李自成自鄖陽攻洛陽陷之殺福王常洵先是援兵過
洛者喧言先帝困天下以肥王今王府金錢山積乃令吾
輩捋腹死賊尚書呂維祺勸王散財餉士不從至是官軍
引賊陷城維祺被執不屈死賊殺王與其血雜鹿肉以食
曰福祿酒火王府散金以賑饑民補二月張獻忠偵襄陽

張獻忠 襄陽 殺 王 貴

無備自率輕騎一日夜馳三百里殺將吏奪軍符給入襄
陽城夜半從中起縱火城陷賊縛襄王翊銘屬酒曰吾欲
借王頭使嗣昌以陷藩伏法遂與貴陽王常法同遇害參
議張克儉遊擊黎民安等死之初太學士楊嗣昌與左良
玉督師討賊踵襲熊文燦故智王招撫賊勢益張不可收
拾遂至喪兩親藩時嗣昌自蜀旋師至荊州補市關城陷
二王殉難憂懼不食死補三月清兵圍錦州補五月帝召
對廷臣語及福王泣下大學士范復粹曰此乃天數帝曰
雖氣數亦賴人事挽回復粹不能對尋致仕去補七月錦
州圍久洪承疇調吳三桂等率兵十三萬進次松山皇太
極自督戰大敗官軍吳三桂等夜遁軍士死者無算總兵

官曹變蛟走入松山與承疇堅守補八月張獻忠棄襄陽連陷樊城當陽諸州縣左良玉從南陽間道進兵大破之信陽降其眾數萬獻忠被重創東遁時羅汝才既合李自成自成踞河雒有眾五十萬獻忠眾散且盡走依自成自成欲殺之羅汝才曰不如留之使擾漢南分官兵力乃給以五百騎俾遁去獻忠東馳入霍山補十一月李自成既破河南勢大盛移兵陷南陽殺唐王聿鎮總兵官猛如虎死之賊再攻開封補十五年二月松山圍久食盡督師范志完不能救城破巡撫邱民仰總兵官曹變蛟等死之洪承疇與總兵祖大樂皆降清寧遠關門勁卒盡喪錦州亦下補五月張獻忠復出攻舒城據之連陷廬州六安等諸

李自成
自殺

中原
禍亂

州縣南京大震補七月開封圍急帝命左良玉赴援良玉見賊盛一夕拔營走襄陽眾皆潰補九月巡撫高名衡議決河灌賊賊偵知之移營高阜驅難民數百決河河水自北門入貫東南門出廬舍人民蕩盡賊乃拔營西去時河南郡邑無不殘破朝廷不復設官遺黎多結寨自保或降賊或受朝命復互相吞併中原禍亂於是為極明年夏帝乃下詔蠲租赦罪已不可為矣補十一月清兵入薊州連陷畿南山東州縣時關內外並建二督又設六巡撫八總兵星羅碁置無地不防而事權反不一警報至急徵諸鎮入援而清兵已陷薊州分道南下河間以南多失守至山東魯王以派自殺補十六年正月李自成陷承天自成初

李自成自奉天倡義元帥

無遠圖所得城邑輒焚燬棄去及灌開封帝捲河南群賊皆來附有衆百萬始侈然以為天下莫與爭思擅名號遂犯承天焚獻陵徇下旁近州縣自成尋襲殺汝才并其衆羅汝才代天撫民德威大將軍自成尋襲殺汝才并其衆改襄陽曰襄京據之設官屬補五月張獻忠連陷蕪黃武昌執楚王華奎以復輿沈之西湖大殺楚宗及居人浮屍蔽江獻忠遂稱武昌曰京城設六部五府據之補八月清主皇太極殂壽五十二是為太宗其第九子福臨年甫六歲即位初其母妊時夢一神人抱一子授之曰此統一天下之主也母受置膝上其人忽不見既寤以語太宗太宗曰是異祥子孫大慶之兆也巳生而神靈志量非常至是

李自成自稱

即位改明年為順治元年叔父和碩睿親王多爾袞理國事稱攝政王補十月李自成破潼關遂陷西安延安諸郡分兵四掠所至風靡乃詣米脂祭墓改延安曰天保府屠鳳翔傳檄榆林參將劉廷傑與總兵尤世威王世欽等集衆城守血戰七晝夜婦人孺子皆發屋瓦擊賊城陷無一降者賊遂乘勝陷寧夏慶陽甘州三邊俱沒補十七年正月朔大風霾陽城地震補李自成僭稱王于西安國號大順改元永昌補先是張獻忠自湖南入江西連陷吉安袁州建昌撫州諸郡自荊州趨蜀遂陷成都蜀中郡縣俱沒時中原多故諸將無暇西顧獻忠遂奄有四川未幾獻忠以病死於蜀中補二月李自成陷太原遣別將犯畿南陷

于關寧吉周
賊死武守遇

真定帝下詔罪已發帑金五千治守具詔天下勤王左都御史李邦華請南遷及太子撫軍皆不報賊勢急復遣內臣高起潛杜敷等分監邊鎮及近畿要害補先是薊遼總督王永吉請移寧遠總兵吳三桂於關門選士卒策應京師學士陳演等持不可賊逼帝決計行之而軍不能猝至補總兵官周遇吉守寧武關李自成薄之遇吉發大礮殺賊萬人設伏城中誘賊入復殺數千人城毀復完者再自成悉力攻破之遇吉馬蹶被執罵賊死妻劉氏率婦女登屋射賊自成縱火焚之闔家皆死城中士民無降者自成謂衆曰此去歷大同陽和宣府居庸皆有重兵倘盡如寧武奈何不如且還俟再舉而大同宣府降表相繼至自成

陷京城

大喜遂長驅而東至居庸關補三月李建泰自保定疏請南遷帝召廷臣於平臺諭曰國君死社稷朕將焉往補李自成入居庸關陷昌平攻平則彰義等門城外三大營皆潰降火車巨礮蒺藜鹿角皆為賊有賊反礮攻城仰語守兵曰亟開門否則屠矣守者懼空礮向外不實銘子徒以硝燄鳴之猶揮手示賊退乃發補李自成陷京城帝先殺公主次殺袁妃周后自經于坤寧宮帝登萬歲山自經補外城陷帝登萬歲山望南城烽火徹天歎息曰苦我民耶遂分送太子定王永王於外戚周田二家劍擊公主令皇后自盡翌日昧爽內城陷鳴鐘集百官無至者帝復登山書衣襟為詔曰朕涼德藐躬上于天咎然皆諸臣誤朕無面目見祖宗自去冠冕以髮覆面任賊分裂勿傷百姓一人以帛縊於山亭太監王承恩從死自成擅竄衣乘鳥駝馬入承天門登皇極殿據御座大帝后期百官三日朝見朝廷制度任意更諸臣死節者數十人官人魏氏等

官賊

殉難之臣

吳三桂討

三百餘人俱赴御河死賊發帝后以柳棺置東華門外羈太子及定王永王於官中襄城伯李國棟請賊葬帝以天子禮斬衰後步從之○賊之入居庸關也太監杜之秩迎

降賊騎薄彰義門太監杜勳縋城上入見大內張皇賊勢語守璫輩曰吾黨富貴自在也是夕太監曹化淳開門降內臣殉難者惟王承恩一人已○殉難之臣范景文倪元璐施邦曜凌義渠王家彥孟兆祥馮世奇劉理順吳麟徵周鳳翔汪偉吳甘來王章陳良謨陳純德趙謙巡許直成德金鉉干騰蛟姚成宋天顯李邦華勝之所阮文貴張應選張世禧李國楨劉文炳鞏永固張慶臻衛時春王國興李若珪高文采陳貞達毛維張劉忠嗣金毓峒李守鏢蔡懋德盛應時徐有聲李若葵輩數十人○四月遼東總兵

賊

平西伯吳三桂聞京師陷帝后殉難遂縞素發哀乞師于

清討賊先是三桂在子寧遠城及寇患急詔封三桂平

山海關乞師于清李自成執三桂父襄作書招三桂資銀

四萬兩遣將唐通犒之別以賊兵二萬守邊三桂伴受

其金印願見東宮而降而出不意畫行砍殺賊將負重

傷逃歸三桂致書絕父云兒以父蔭熟聞義訓得待罪戎

行日夜勵志冀得一當以酬聖眷側聞聖主晏駕臣民慘

辱不勝耻裂冠裂裳猶意吾父素負忠義大勢雖去猶當奮一

擊誓不俱生何乃隱忍偷生訓以非義父既不能為忠臣

兒亦安為孝子乎自成怒即盡戮襄家口三十餘人率兵

往戰三桂痛哭誓師令其兵皆薙髮擊賊關門軍聲大振

清多爾袞總鐵騎數萬繞出三桂右所向披靡自成潰

走三桂追北四十里又破之永平

補李自成駐兵永平吳三桂使人議和

並請太子自成命其將張若麒奉太子赴三桂軍中請各止戰三桂允之既盟自成旋師三桂整軍而行移檄播告遠近自成聞報驅百姓于崇文宣武門外毀折民房焚官

清爾入其受賀
多爾袞武殿朝

殿悉銳西行輜重無算補五月朔皇太子在吳三桂軍中傳諭京中官民各宜整肅靜俟士民大喜相慶三桂兵至榆河清多爾袞撤其西行追李自成三桂請發太子入都多爾袞不許三桂夜潛逸太子于民間蓋清人殺之追賊至保定賊還兵而鬪奮擊破之又追破之于定州自成屯真定防三桂又屢敗西走入山西三桂以兵逐之自成數戰不勝遂棄山西走西安三桂還軍京師清晉爵為平西王補初三日京城傳呼皇太子至百官迎候於朝陽門外駕至則清攝政王多爾袞也多爾袞入武英殿受朝賀問漢官何人最賢眾舉李明睿對命為禮部左侍郎明睿以病辭多爾袞曰爾朝皇帝尚未收斂明日即欲令京城官

清入于京已都補
主都燕下增

設鎮

民等哭臨無神主以何哭臨無謚號何以題神主明睿聞言大慟多爾袞義之即命議謚於朝房謚帝為懷宗端皇帝周皇后為烈皇后萬姓哀號三日尋命造陵明睿經營相度不十日竣事多爾袞出示京城令官民除服剃頭衣冠悉遵清之制清主遂入都于燕京福王立于南京謚帝曰毅宗烈皇帝周皇后曰孝節皇后帝由松福王常洵子神宗孫也崇禎十七年四月京師陷毅宗殉社稷時由松避賊舟次淮安南京府部科道等官會議推戴討賊遂立為帝補五月帝即位召兵部尚書史可法戶部尚書高弘圖鳳陽總督馬士英等入閣辦事其他進官有差可法請督師江北士英專國補設淮揚徐泗

鳳壽滁和四鎮以劉澤清高傑劉良佐黃得功轄之傑舊賊將也通李自成妾邢氏挈之來降陝督孫傳庭令傑與白廣恩為前鋒二將各不相下遂潰傑由山西河北率兵南下大肆劫掠抵揚州揚人不納傑攻之史可法曲解之久之始移駐瓜州去良佐開鎮臨淮士民不服互訐得功薄廬又提兵與傑爭淮揚戰不勝以太僕少卿萬元吉監江北軍解之元吉貽得功書期共戮力王室得功自明無他欲聯絡各鎮鼓勇殺賊元吉以得功書馳示傑等始罷兵隸傑可法標下為前鋒總兵官○史可法馬士英各奏吳三桂殺賊功封三桂薊國公○清兵西伐李自成斬其將劉宗敏田見秀等賊眾大潰自成棄西安南走○加應

督閩
催浙
金花
銀兩

天巡撫左懋第兵部侍郎經理河北聯絡關東命僉都御史程世昌巡撫應天時山東河北多殺偽官響應○馬士英奏薦欽案阮大鍼欽案者魏忠賢逆案欽宗所定也賜冠帶陞見舉朝大駭高弘圖請下九卿會議呂大器詹兆恒等連疏糾不聽大鍼召對稱旨竟用為江防兵部侍郎○左都御史劉宗周御史李樸等疏論時事弊其辭痛切或為馬士英尼不得上或報聞而已○遣大監王肇基督催閩浙金花銀兩肇基原名坤即崇禎朝肆惡淮陽者也大學士高弘圖等諫止之○湖廣巡按御史黃澍同承天守備太監何志孔入朝求召對既入澍面糾馬士英奸貪不法淚與語下志孔復前佐澍言其無上諸事士英稱疾出直而以金幣

山降清 于東
太妃 自北
南

餽福邸舊閣田成張執中等兩閣向帝曰主上非馬公不
得立茲逐馬公天下皆議主上背恩矣且馬公在閣諸事
不煩主上可以優閒自在馬公去誰復有念主上者帝嘿
然即賜諭留澍復連上十疏爭之帝屢諭澍赴楚乃去
○六月清人傳檄至濟寧山東降于清李建泰謝陞馮銓
降皆為清內院大學士○時朝廷舉措失人賞罰乖章卒
宸陳子龍等諫疏荐上俱不聽○八月太妃來自河南帝
諭戶工部限三日內搜括萬金以給賞賜太監諸朝進請
給工科錢糧約數十萬工部尚書何應端等苦點金無術
懇祈崇儉工科李清亦疏請節省不聽又詔選內員選宮
女間巷騷然科道李維樾等疏諫亦不聽○加翼戴恩史

行貢立納
例開助例

可法馬士其各進官有差○九月予北京殉難諸臣謚贈
官有差○淮揚屢請餉帝以東南餉額不滿五百萬江北
已給三百六十萬豈能以有限之財供無已之求命淮撫
田仰與劉澤清通融措辦時澤清大興土木造宅淮安無
意往北仰與其事仰故馬士其私人也士其請免府州縣
童生應試上戶納銀六兩中戶四兩下戶三兩得赴院試
又詔行納貢例廩生納銀三百兩增六百兩附七百兩又
立開納助工例武英殿中書納銀九百兩文華中書一千
五百兩內閣中書二千兩侍詔三千兩拔貢一千兩推知
銜一千兩監紀職方萬千不等皆以助軍興也時為之語
曰中書隨地有都督滿街走監紀多如羊職方賤似狗廢

曾補元月各卷之四

清爾多
致法史

起千年塵。拔貢一呈首。掃盡江南錢。填塞馬家口。奉化布衣方真明。何光顯等抗疏請誅馬士。共劉孔昭。詔戮於市。籍其家。遠近為訟。冤。○十月。命鑄弘光錢。○清攝政王多爾袞致書史。可法其略云。比聞道路紛紛。多謂金陵有自立主者。夫君父之仇。不共戴天。春秋之義。有賊不討。則故君不得安葬。新君不得即位。所以防亂。臣賊子法至嚴也。關賊李自成稱兵。犯闕。手毒君親。中國臣民。不聞加遣一矢。平西親王吳三桂。獨效包胥之哭。朝廷感其忠義。嚴整貔貅。驅馳梟獍。入京之日。首崇懷宗帝后。並號卜葬山陵。悉如典禮。勛戚文臣。咸在朝列。恩典有加。耕市不驚。秋毫無犯。方擬遣將西征。戮力同心。以報爾君父之仇。彰我朝

廷之德。豈意南州諸君子。苟安且夕。頓忘寔害。予甚惑之。夫國家之定。燕都乃得之。於關賊而非得之。於明朝也。賊毀明朝之廟主。辱及先王。國家不憚征繕之勞。悉索敵賊。代為雪恥。萬世闖賊。但為明朝寇。慙未嘗得罪於國家。徒以薄海同仇。伸大義。今若擁稱尊號。便是天有二日。復為勅敵。予將簡西征之銳卒。轉旆東征。且擬釋彼重誅。命為前導。夫以中華全力。受制潢池。而欲以江左一隅。兼支大國。勝負之數。無待著龜。諸君子果識時。知命。切念故主。厚愛賢主。宜勸令削號。歸藩。永綏福位。朝廷當待以虞賓。位在諸侯王上。庶不負朝廷伸義討賊。興滅繼絕之初心也。昔宋人議論未定。兵已渡河。可為殷監。取舍從違。應早審

定。兵行在即。可東可西。南國安危在此一舉。願諸君子同以討賊為心。無貪瞬息之榮。致令故國有無窮之禍。為亂臣賊子所笑。可法答書畧曰。我大行皇帝敬天法祖。勤政愛民。真堯舜之主也。以庸臣誤國。有三月十九日之事。法待罪南樞。救援無及。師次江上。凶信突來。地折天崩。川枯海竭。嗟呼人孰無君。雖肆法於市朝。以為泄者戒。奚足慰先帝於地下哉。爾時南中臣民哀慟號泣。無不拊膺切齒。愿悉東南之甲。立剪凶仇。而二三老臣謂國破君亡。宗社為重。相與迎立。今上以繫中外人心。羣臣勸進。今上退然不自勝。迨臣民伏闕屢請。始進位南都。遂命法視師。江北刻日西征。忽傳我大將軍具三桂借兵貴國。破走逆成。

殿下入都為我先帝后發喪成禮。掃清官殿。撫輯羣黎。且免薙髮之令。亦不忘本朝。此舉動也。振古鑠今。凡為大明臣子。無不長跪地而頂禮加額。今辱明諭。引春秋大義來相詰責。善哉推而言之。此又為列國君薨。世子應立。有賊未討。不忍死其君者之說耳。若夫天下共主。身殉社稷。青官皇子。慘變非常。而拘牽不即位之說。坐昧大一統之義。中原鼎沸。倉卒出師。將何以維繫人心。號召忠義。紫陽綱目。踵事春秋。其間特書莽移漢祚。光武中興。丕廢山陽。昭烈踐祚。懷愍亡國。晉元嗣基。徽欽蒙塵。宋高續統。是皆於國仇未報之日。亟正位號。綱自未嘗斥為自立。卒以正統與之本朝傳世。十六正統相承。自治冠帶之屬。繼絕存亡。

仁恩遐被。貴國夙膺封號。載在盟府。殿下豈不聞乎。今痛心。本朝之難。而驅除亂逆。可謂大義復著。春秋昔契丹和宋。多輸以金。繒回紇助唐。原不利土地。况貴國篤念世好。兵以義動。萬代瞻仰。在此一舉。若夫手足膺難。并同秦越。規此幅員。為德不卒。是以義始。而以利終。貽賊人竊笑。貴國豈其然乎。今賊未伏天誅。捲土西秦。方圖報復。此不獨本朝不共戴天之仇。抑亦貴國除惡未盡之憂。伏惟堅同仇之誼。全始終之德。合師進討。問罪秦中。共梟逆成之頭。以洩敷天之恨。則貴國義聞千秋。本朝固惟力是視。從此兩國世通盟好。傳之不窮。不亦千載一時哉。若夫牛耳之盟。封本朝使臣久已載道。不日抵燕。奉盤盂以從事矣。法

北望陵廟。無涕可揮。身陷大戮。罪應萬死。所以不即從先帝者。寔為社稷之故也。殿下伏賜垂鑒。○時災異疊見。又廟門告灾。帝深居禁中。惟渙幼女飲火酒。雜伶官演戲。為樂。修興寧宮。建慈禧殿。大工繁費。宴樂賞賜。皆不以節。國用匱乏。搜括殆盡。馬士共濁亂國政。違警日備。而主不知。小人乘時射利。識者已知不堪。且夕矣。○十一月。史可法統兵抵白洋河。清兵入宿遷。可法救之。隨拔營去。○高傑抵徐州時。河南巡按陳潛夫告。清發兵一徃山西。一徃徐州。一徃河南。豫主多鐔將從孟縣過河。傑與劉澤清書云。清發一王子領兵齊駐濟寧。開封上下北岸俱是兵。眾問。渡甚急。惟恐彼一越渡。則天塹失恃。長江迤北盡為戰場。

時事到此令人應接不暇。惟有殫心竭力，直前以報國恩而已。○馬士共疏稱：清兵雖屯河北，然賊勢尚張，不無後慮。豈遂投鞭問渡乎？况強弱何常，赤壁三萬，淝水八千，一戰而江左以定。况國家全盛，兵力萬倍於前，廓清底定，愿諸臣刻厲之也。○清副將唐起龍，其父唐虞時，致書高傑，勸其早斷，速降。有大者王，小者侯，不失如礪。世世茅土之語，傑不聽。身先士卒，沿河築牆，竭力備禦。時有徐州逋賊程維孔，斬木編筏，引兵渡河，偽投傑降。傑誘斬之，收其衆。○清兵至夏鎮，別由濟寧南下。又從雒陽渡河，攻海州，圍邳州。史可法、高傑、劉澤清等各告急，不應。○十二月，都督陳洪範南還。先是，洪範與左懋茅等至德州，清撫臣

高傑
程孔維

方木，猷示以攝政王令，有來使不必敬語，止許百人赴京。朝見懋茅欲先謁陵，後進見多爾袞不許，乃遙祭先帝。入京館鴻臚寺內院，剛林責懋茅等以江南不應更立天子。懋茅不屈，洪範降懋茅，請祭告諸陵，改葬先帝，皆不許。乃陳太牢於寺堂，哭祭之，遂放歸。至滄州，復遣兵追執懋茅等。北太放洪範，至是歸稱清兵萬分緊急，且夕南下。馬士英惡之，曰：有四鎮在何處焉？○時賊窺突，禹州襄城等處各鎮擁兵不進，惟高傑提兵二萬大敗之。副將劉鉉總兵劉洪起等斬獲最多。○除夕帝在興寧宮，色忽不怡。司禮韓贊周言：新宮宜，懼。帝曰：梨園殊少佳者。贊周泣曰：臣以陛下令節，或思皇考，或念先帝，乃作此想耶？○弘光元年

正月戶科吳造上言維新五事一曰信詔旨二曰拔人才
三曰儲邊才四曰伸國法五曰明言責疏入不省○高傑
防河疏請重兵駐歸德東西兼顧聯絡河南總兵許定國
以奠中原定國在睢州傑遣定國銀幣抵睢州定國與傑
有隙乃張宴享傑夜半伏兵起殺之親兵遇害者過半餘
衆潰還定國奔清○加監軍衛胤文兵部侍郎總督傑軍
史可法請以傑部將李本身為提督不允○黃得功復來
爭揚州帝諭大臣當先國事而後私憾得功向揚州致高
營兵將棄信東顧設虜渡河罪將誰任命史可法鎮撫之
得功回汛○二月禮部請上先帝太子謚曰獻愍皇太子
永主曰永悼王定主曰定哀王未幾鴻臚寺少卿高夢箕

密奏先帝太子在浙乃召至寓僧寺令內員迎入宮內員
歸報不寔傳文武官識認大學士王鐸給事中戴共詰問
之知其詠冒曰以寔告當救汝即跪請救命援以紙筆供
稱高陽人王之明係駙馬王昺侄孫家破南奔遇高夢箕
家人穆虎教以詠冒東宮帝流涕曰朕未有子東宮若真
即東宮矣明日戴共等具奏王之明偽假太子非稚年所
能辨必有大奸挾為奇貨宜勅法司根究御史陳以瑞又
奏愚民觀聽易惑道路籍籍皆以諸臣有意傾先帝之血
胤帝諭將王之明好生護養勿驟加刑俟正告天下愚夫
愚婦皆已明然後申法越三日集文武百官舉監生員耆
老於午門外鞠之夢箕穆虎皆具服如之明言下之明刑

至童故
氏如

童氏
庚死
獄中

部獄而京師士民謬以太子為非偽也○又有故妃童氏
自越其傑所至命付錦衣衛監候帝初為世子有妃李氏
洛陽之變亡童氏本周府官人逃亂至蔚氏縣遇帝於旅
邸相依生一子已六歲賊破京師帝南奔各不相顧太妃
與妃各依人自活之南妃故在帝不召至是自來帝不悅
馬士共言苟非至情所關誰敢與陛下稱敵體宜迎童氏
歸內密諭河南撫按迎致皇子以慰臣民之望以清奸宄
之心童氏在獄細書入宮月日相離情事呈覽帝棄太弗
視尋命屈尚忠嚴刑酷拷童踰呼詛罵遂庚死獄中○三
月許定國引清兵入儀封李本身劉洪起馳斬定國先鋒
劉道行清兵入考城尋破歸睢巡按御史凌駟死之清兵

左良
玉乞
誅馬
士共

進逼江北直隕徐穎總兵李成棟南遁○四月寧南侯左
良玉舉兵東下馳疏上言馬士共奸邪亂國政列其七大
罪乞誅之又傳檄聲其罪中外囂然士共大懼京師戒嚴
時左良玉兵由九江安慶至建德順流而下調黃得功劉
良佐離汛遣劉孔昭阮大鍼等同禦之劉澤清亦托勤王
率兵南行揚泗徐碭勢同鼎沸史可法連疏告警帝曰上
游急則赴上游北兵急則赴北兵自是長策可法曰上游
不過欲除君側之奸原不敢與君父為難若北兵一至宗
社可虞不知輔臣何意朦蔽至此乃移書士共懇其選將
添兵士共惟以左兵為慮不應○時帝惟以選淑女為急
先是應天府選三名不中司禮監又選六名亦不中特遣

史可法死

內監田壯國往杭州選到陳氏王氏李氏三人進元暉殿
○清兵已徇徐碭下亳泗乘勢渡淮如入無人之境帝召
對羣臣馬士共力請亟禦左良玉大理寺卿姚思孝工部
吳希哲等皆言淮揚最急應亟防禦帝諭士共左良玉雖
不該興兵以逼南京然看他本上意思原不曾反叛如今
還該守淮揚不可撤江防兵士共厲聲指諸臣對曰此皆
良玉死黨為遊說其言不可聽臣已調得功良佐等渡江
矣寧可君臣皆死於清不可死於左良玉手瞑目大呼有
異議者當斬帝嘿然諸臣咸為咋舌○清兵攻揚州史可
法禦之頗有斬獲攻益急血奏請救不報可法開門出戰
清兵破城入屠揚州可法死之兵部尚書張伯鯨被執不

帝出奔馬共走
士奉太后浙

降身被數創自剄死妻楊氏媳郝氏從之○明日帝召羣
臣問遷都計禮部尚書錢謙益言不可馬士共請調黔兵
入衛辦走貴陽吳希哲等力諫乃止○召黔兵一千二百
名入城住鷄鳴山房○左良玉舉兵不數日病死子夢庚
東下至采石為黃得功等所敗尋聞清兵信急引還○五
月清兵既破揚州沿江問渡惟靖虜伯鄭鴻逵一旅守於
京口清兵編筏張燈向鎮江而別由老鶴河渡盡抵南岸
鄭兵揚帆東遁○初十日閉京師各城門晝晦大風猛雨
午後猶集梨園入內演戲帝與諸內臣禱坐酣飲二鼓出
奔五鼓馬士共奉太后召黔兵護衛走浙黎明內門不閉
官女襍走於是各官奔竄○忻城伯趙之龍閉各城門以

待清兵居民競殺城內外黔兵無有逸者○有監生趙某
率市人百眾出王之明於獄擁入官中登殿鳴鐘百官莫
有至者王之明粘示皇城畧云先皇帝丕承大鼎惟茲臣
庶同共甘苦胡天不祐慘罹奇禍凡有血氣裂眦痛心泣
予小子今宜殉國思以君父大仇不共戴天皇祖基業汗
血匪易忍垢匿避圖雪國恥幸文武先生迎立福藩予惟
先帝之哀奔投南都寔欲哭陳大義不意巨奸障蔽至櫻
桎梏予雖幽獄無日不痛絕也福王聞兵遠遁先為民望
其如高皇帝之陵寢何泣予小子父老人民圍抱出獄擁
入皇宮予身負重寃豈稱尊南面之日乎謹此布告在京
勳舊文武先生士庶人等念此痛懷勿惜會議予當恭聽

共抒皇猷勿以前自有不識予之嫌惜爾經綸之教也○
帝駐太平府二十里外黃得功阮大鍼等來見欲入太平
太平民不納往蕪湖總兵官黃賦卿遁登中軍翁之琪舟
將往浙○清豫王多鐸已薄都城趙之龍同王之明出降
多鐸入京劉孔昭劉澤清遁劉良佐降奉多鐸命追帝至
蕪湖及之且召黃得功得功不從良佐伏弩射中得功喉
得功創甚拔劍自刎良佐挾帝去翁之琪投水死帝見多
鐸於內守備府尋囚於江寧縣多鐸分兵畧定各屬張捷
楊維垣等前後殉難者數十人○前遣使臣左懋第在北
聞江南陷七日不食清攝政王多爾袞召見數之懋第不
對惟請一死命雉髮堅不肯遂殺之題絕命詩有云峽壑

帝於寧
囚江縣

巢封歸路賒片雲南下意如何寸丹冷魄消難盡蕩作寒
烟總不磨○清豫王多鐸既定江浙挾帝及王之明歸北
京閏六月唐王立于福州

帝聿釗太祖後也封南陽為唐王初以父歿失愛於祖兩
叔謀奪嫡未得請名及祖端王薨守道陳奇瑜知府王之
柱為之請嗣後以統兵勤王擅離南陽錮高牆會赦出性
率直喜詩書手草傳檄五月清兵渡江南都弗守總兵官
鄭鴻逵鄭彩撤師回閩會唐王從河南來奉之俱南至福
州與福建巡撫張肯堂巡按御史吳春枝禮部尚書黃道
周南安伯鄭芝龍等共會議立之為監國王鴻逵請正位
不然無以壓衆心而杜後起芝龍意別有在固爭以為不

鄭貴子
氏振七

可不數日即定議即帝位改福州為天興府○六月封鄭
芝龍為平虜侯鄭鴻逵定虜侯其他進官有差於是敷求
耆碩招選賢才閣臣至三十餘人然俱閒無事不令票旨
皆帝親為之○時内外文武濟々然兵餉戰守機宜專諉
鄭芝龍為政芝龍幼習海知海情凡海盜皆故盟或出門
下自就撫後海船不得鄭氏令旗不能往來每一船例入
三千金歲入千萬計芝龍以此富敵國自築城於安平鎮
艦舳直通卧内其守城兵自給餉不取於官旗幟鮮明戈
甲堅利凡賊遁入海者檄付芝龍取之如寄以故鄭氏貴
振于七閩芝龍有弟芝虎勇冠軍昔征劉香沒於海次鴻
逵次芝豹俱為侯伯一門聲勢烜赫東南芝龍有子森芝

鄭初見

寵初落魄去之日本娶倭婦生森數歲芝龍歸福建就撫以收劉香功遷都督于是森在倭已七歲矣芝龍屢請得之森風儀整秀倣儻有大志每東向而望其母常為李父芝豹所窘叔父鴻達獨偉視焉讀書穎敏不治章句先輩王觀光一見謂其父曰是兒英物非而所及也十五補弟子員至是年二十三陛見帝奇之撫其背曰惜無一女配卿卿當盡忠吾家無相忘也賜姓朱改名成功封御營中軍都督賜尚方劍儀同駙馬自是中外稱國姓是年日本送歸其母○李自成南走到辰州清兵進攻之自成營羅公山倚險築壘為久屯計勢彌蹙食盡逃者益衆自成自將輕騎抄掠清人設伏邀之殺傷幾盡自成以數十騎突

賜森國鄭改成功名

李自成死

走村落中求食邨民共擊殺之任李過僅奪其屍滅一邨而還以袞冕葬之羅公山下賊諸將奉李過為首渡湖入險山中羣盜俱散亡○八月粵西有靖江王者稱監國帝詔至不服舉兵將東廣西巡撫瞿式耜令總制丁魁楚為備戰大敗之擒靖江王及其黨械至福州俱斬於市○先是清兵入浙潞王以城降蘓松巡撫祁彪佳左都御史劉宗周等死之原任大學士高弘圖流寓紹興城外逃至野寺不食死○時馬士英率所部奉弘光帝母妃至紹興紹人士猶未知弘光帝所在原任九江僉事王思任上疏請斬士英○原任山西僉事鄭之尹子鄭遵謙與張國維方逢年等迎立魯王於台朱大典亦遣孫珪上表勸進魯王

留南二月

卷一百

監國紹興國維首疏參馬士共悞國十大罪士共懼不敢入朝時逢年國維等俱為太學士遵謙封義興伯國維督師江上賜尚方劍行事命御史陳潛夫監各藩鎮兵馬復富陽于潛等兵馬雲集會關中領詔至諸求富貴者爭欲應之監國下令返舍士民惶惶國維星馳上疏於帝謂國當大變凡為高皇帝子孫臣庶所當同心併力成功之后入關者王監國退居藩服禮誼昭然且監國當人心奔散之日鳩集為勞一日南拜正朔鞭長不及猝然有變唇亡齒寒悔莫可追臣老臣也豈若朝秦暮楚之客哉疏出議始定而浙閩成水火○鄭芝龍開府於福州坐見九卿權勢振于朝宰相半出門下集廷臣議戰守兵自仙霞關而

外宜守者一百七十處每處守兵多寡不等給餉不足芝龍令撫按以下皆捐俸助餉又借徵次年錢糧又大鬻官爵於是娼優厮隸盡列冠裳然猶苦餉不足所招關門兵不過疲癯數百人耳時廷臣請出關者章滿公車帝亦欲躬履行間而芝龍日以缺餉為辭○隆武元年正月鄭芝龍日與文官忤然帝心知芝龍不可恃卒無以制之芝龍亦以不出關無以壓眾心乃令兵為二聲言萬人實不滿千人令鄭鴻逵鄭彩出浙東江西帝倣淮陰故事築壇郊拜而送之既出關疏稱餉缺駐不行詔書切責不得已踰關行四五百里而還○黃道周請募兵江西江西多其子弟願俱效死軍前鄭芝龍不與一錢帝給空劄百函為行

封成功
朱功
伯忠
孝

資而已。道周以劄，歸召門下，得百人居。言安出兵徽州，為清兵所擒，械送江寧。道周絕粒不食，積十四日不死。清內院洪承疇惜其才，疏救。清主不允，尋駢斬於市。○蔣德璟自請行，關察情形，相機督戰。帝許之。比至，則疲兵弱卒，朽甲鈍戈，一無可為。德璟告病去，而戶部尚書李長倩以餉不繼，憂死。泉州知府鄒式金見事不可為，予告去。○吏部郎中趙五成與尚書張肯堂同籍江南，疏言：臣等生長海濱，請以水師千人從海道直抵君山，襲取金陵，以迎陛下。計陛下陸行期，同會於金陵。帝大喜，亟催鄭芝龍造艘。芝龍笑諾，事不果。○封朱成功，忠孝伯。成功一日見帝，愁坐泣奏曰：陛下鬱々不樂，得無以臣父有異志耶？臣受國厚

鄭龍
芝通
清教
于

恩，義無反顧，臣以死扞陛下矣。○二月，帝決意親征，駐建寧。帝意欲徃江右，猶豫未定，而鄭芝龍固請回省。省中人數萬呼擁，謂絕天下望。因駐蹕劔津。當是時，兵羸餉絕，當事無談及兵事者。舉朝如夢如醉，不待識者，而知其敗壞矣。○清江南招撫使洪承疇、福建招撫使黃懋胤皆晉江人，與鄭芝龍同里。芝龍密遣使微行通款，而疏稱海寇狎至今三關，餉取之臣，臣取之海，無海則無家，非過行不可。拜表即行。中使手勅云：先生稍遲，朕與先生同行。及之河，則飛帆過，延平矣。芝龍既去，守關將施福盡撤兵，還安平。聲言缺餉。○三月，清兵驅船開堰入江，監國魯王防之。張國維命王之仁統水師從江心巖戰。是日東南風大起之。

仁揚帆奮擊之國維督諸軍渡江會帝使陸清源賚詔至江犒師馬士英峻方國安斬之且出檄文數帝之過國維曰禍在此矣○四月杭州固守堅不可克監國議抽兵屬張國維西征命禮部尚書余煌督師江上○五月清貝勒王屯兵北岸用大砲擊南營碎其中厨鍋灶方國安曰此天奪吾食也更念帝曾以手勅相招入閩必大用即不支便道可退入滇黔夜遂拔營走至紹興陳兵劫監國南行江上諸師聞報俱潰鄭遵謙携貲入海惟王之仁一軍尚在將由江入海張國維與之仁議抽兵五千分守各營之仁泣曰壞天下事者非他人方荆國也清兵數十萬屯北岸倏然而渡孤軍何以迎敵之仁有船可入海公兵無船

清江兵渡

速當自為計國維乃振旅追扈監國余煌大張殊示盡啟九門放兵民出走畢正衣冠赴水死○六月清兵渡江方國安馬士英計獻監國降清乃遣人守監國守者忽病監國得脫登海船傳命張國維過防四邑遂過東陽○清兵破義烏至七里寺張國維具衣冠南向再拜曰臣力竭矣作絕命詩三章從容赴園池死王之仁載其妻妾並兩子婦幼女諸孫盡沈於蛟門下獨至松江見內院洪承疇自請就戮西市兵部侍郎陳函輝王思任等十四人殉難馬士英阮大鍼等猶擁殘兵數請入關帝以其罪大不許士英遁至台州山寺為僧隨為清將搜獲阮大鍼迎降方逢年方國安等剃髮俱降○八月帝自鄭芝龍去後乃定計

貝勒斬及於市

幸贛州抵順昌聞清兵已及劔津且踵至倉皇騎而奔從行者止何吾騶郭維經朱繼祚黃鳴俊數人已而何與郭亦散去帝將入贛州因停一日曝龍鳳衣清兵至擒帝后及從駕朱繼祚黃鳴俊械至福州貝勒斬帝及后於市繼祚為亂兵所殺鳴俊許授五品官以老疾辭○先是清兵至順昌搜龍拉得馬士英阮大鍼方國安父子方遊山連名請駕出關為內應疏在已降後大鍼遊山自投崖死仍戮尸士英等四人駢斬延平城下家眷百餘口悉給賜兵丁○九月清別遣李成棟韓固山畧興泉汀邵漳州等處皆隨之太學士蔣德璟絕食死之初清兵未至泉州鄭芝豹先至閉城門大索薦紳富民餉不應即梟之至縛親家

清貝勒以書勸鄭芝龍

母於庭抵幕得數萬金俄而韓固山兵至芝豹奔安平朱成功母不去死之○十月鄭芝龍保安平軍容烜赫戰艦齊備以前遣洪黃之信未通猶豫未敢迎師又自恃先撤關兵無一矢相加有大功於清而兩廣素屬部下若招兩廣以自效閩廣總督可得猶南面王也貝勒合泉紳郭必昌與芝龍最厚者招之芝龍曰我非不忠於清恐以立王為罪耳會韓固山兵逼安平芝龍怒曰既招我何相逼也貝勒聞乃退固山離安平三十里而軍以書招之其略曰吾所以重將軍者以將軍能立唐藩也人臣事主苟有可為必竭其力力盡不勝天則投明而事乘時建不世之功此豪傑事也若將軍不輔立吾何用將軍哉且兩粵未平

鄭成功
率成
海部

鄭芝龍
降清

今鑄閩粵總督印以相待吾所以欲將軍來見者欲商地方人才故也芝龍得書大喜其子弟皆勸芝龍入海魚不可脫於淵不願降成功泣諫曰父教子忠不聞以貳且北虜何信之有芝龍曰喪亂之天下一彼一此誰能常之若幼惡識人事遂進降表至福州貝勒握手甚歡折矢為誓命酒飲三日夜半忽拔營起遂挾之而北矣從者五百人皆別營不得見亦不許通家信芝龍謂貝勒曰北上面君乃龍本愿但子弟多不肖今擁兵海上倘有不測奈何貝勒曰此與爾無與亦非吾所慮芝龍既行朱成功乃率所部入海芝龍嘆曰成功不來清朝其道敝乎使君憂者必此子也成功雖遇主列爵實未嘗一日與兵柄意氣狀頗猶

儒生也迺悲歌慷慨携所著儒巾襪衫赴文廟焚之拜先師曰昔為孺子今為孤臣向背去留各有作用謹謝儒服高揖而去與所善陳輝張進施琅施顯陳霸洪旭等願從者九十餘人乘二巨艦去收兵南澳得數千人文移稱忠孝伯招討大將軍罪臣國姓鄭彩鄭鴻遠亦率所部入海

○張肯堂沈猶龍等亦往舟山依魯王○福建既陷十月永明王立于肇慶

帝由榔桂王之子為神宗嫡孫初封衡陽以寇亂徙寓梧會桂王已薨永明在衰經中先是福州既失兩廣總督丁魁楚與廣西巡撫瞿式耜會議監國兵部尚書呂本器等自閩至共謀立之以肇慶府署為行宮推置僚署有差魁

楚大器俱為大學士。○十一月福建舊相蘇觀生等遁回廣東與布政使顧元鏡擁立隆武帝弟唐王聿錡監國。年號紹武。會贛州敗書至。司禮太監王坤趣駕移梧避之。瞿式耜謂今日之立為祖宗雪仇耻正宜奮大勇以踰遠近。苟自懦外棄門戶內囂蕭牆國何以立。爭之不得遂移梧州。尋還肇慶。乃遣兵科給事彭燿往廣州諭之。譬曉倫序。監國前後國家仇讐利害觀生等殺燿於市。日集兵向肇慶。○十二月清總兵李成棟陷廣州。擒唐王并周王益王。遼王等盡斬之。誅蘇觀生。遂發兵往南韶而親下肇慶。瞿式耜聞報請視師督戰士駐峽口。王坤復請西避之。式耜爭之不聽。遂駕小艇上西峽。○永曆元年正月朔駕至梧。

州時丁魁楚從梧西走岑溪。王化澄走潯州。隨行者止瞿式耜一人耳。○李成棟攻陷肇慶。隨發副將楊文甫張月領兵攻高雷廉三部。乃一鼓而入梧州。廣西巡撫曹燁出降。○二月帝抵桂林。瞿式耜肅殿陛勅守禦。誕告楚蜀各鎮。○朱成功投師歸自南澳。舊眾稍集。泊鼓浪嶼。與鄭彩鄭聯所踞廈門浯洲隔帶水。廈門者中左所也。浯洲者金門也。隸同安為兩島。數出兵沿海郡邑大震。○丁魁楚在岑溪屯兵千餘。清人招之不降。清人乃水陸設伏。大戰。丁兵敗。魁楚中箭死。濕江平樂及高雷廉三府俱降于清。○三月清兵渡海。陷瓊州。警報叠至。王坤又趣駕往楚。瞿式耜上疏爭之。言勝敗存亡山川要害甚激切。不聽。仍請無

瞿式耜與
孤危焦璉
守城璉與

已身留桂。乃命式耜留守桂林。各路悉秉節制。式耜又請暫駐駕於全州。以扼楚粵之中。○四月。清兵薄桂林。衝入文昌門。城中大恐。時焦璉自全州歸。從數人。控弦提刀。與清兵接戰。稍却之。清兵屯陽朔。式耜與璉危城孤守。疏詣全州。徵安國公劉承胤兵。承胤發兵數千。援桂。未幾。承胤甚橫。脅劫帝。幸武崗。式耜疏留全陽。議不合。承胤諸部挾餉不出。兵與璉。兵主客不和。譁變。擊闕掠市而去。帝竟駐武崗。○五月。清兵偵兵變。積兩城壞。環攻桂城。吏士皆無人色。焦璉負創奮臂大呼督師。分門嬰守。用西洋銃擊中馬騎。尋出城戰。奮勇擊殺。自辰抵午。不及餐。瞿式耜拈箸中米。蒸飯分哺之。士卒俱樂。用命。明日復出戰。清兵旋太

式耜先令路將馬之驥。伏於隔江。犄角接應。固圍信慎。三月之內。危於清亂。於兵。式耜一手指揮。底定。璉久將桂。得桂人心。式耜國士。遇之。故獨得璉死力。○瞿式耜上疏請返蹕。全陽不聽。乃督焦璉復柳潯。及梧州。具疏上言。粵西全定。請還桂林。時清兵陷長沙。而衡州相繼失。武崗復敗。帝播越入粵。次柳州。式耜屢疏。極言不可。他移一步。柳州搖撞。襍處地瘠民貧。不可久駐。時會士司覃鳴珂與道臣龍文明構兵。帝復次象州。式耜與督師何騰蛟等籌畫。刻期出師。全州戰勝。諸帥連營。而軍清兵。因次楚。○十一月。帝自象州抵桂。瞿式耜與嚴起恒並相。○二年二月。何騰蛟督師出全。兵不睦。焦璉下平樂。郝永忠壁興安。未幾。永

忠營被襲至闕欲撤兵左右禁近刻期欲帝遷式耜持不可言督師警報未至二百里外風塵而遽使王露所耶播遷無寧日國勢愈弱兵氣愈難振民心皇皇復何依哉左右禁近周章不能止夜半駕已行矣潰兵肆掠蹂躪公署職官無一得免式耜被逼登舟至於漳水港刑部侍郎遠生給事中丁時魁等俱至式耜集遠生等入民屋立草檄分路四發暫駐陽朔催璉兵上援督師騰蛟自永寧至璉自平樂統兵至式耜復入桂署○三月清兵疑桂城空虚直抵桂北門何騰蛟督兵三面禦之清兵渡甘棠去○帝駐南寧詔旌瞿式耜賜銀幣又賜精忠貫日金圖書一枚式耜念南寧蠻鄉不可久駐日為帝清道督勳鎮將士直

取全州○四月皇子生冊為太子赦天下詔曰萬喜瞿式耜念無講官經筵不御石室塵封何由聞得失手書八箴於扇進之○五月督師何騰蛟復全陽○六月清總兵粵東李成棟歸順吳疏迎駕又江右金聲桓據南昌遣使奏降疏兩粵稱全土瞿式耜疏請往桂帝竟由梧州入肇慶○三年正月清兵破湘潭何騰蛟死之信豐南昌相繼敗李成棟金聲桓皆歿於陣帝設壇掛帛拭涕親祭專命瞿式耜留守督師○三月朱成功募兵于銅山攻漳浦屯分水關○四月清遣使貽書招瞿式耜式耜不從○七月帝遣使至島封朱成功為延平公○四年正月南雄不守韶州亦陷帝震恐戒舟西上瞿式耜疏留之不聽遂移德慶

朱成功
鄭聯

抵梧州○六月朱成功入潮州先是鄭鴻逵踞潮之揭陽
邀成功入揭陽時兩島為鄭彩鄭聯所踞其將章雲飛恣
肆不道成功密與諸部計曰兩島吾家卧榻之側豈容人
鼾睡迺嚴部勒自揭陽揚帆抵廈門聯不虞乃出見交拜
極歡成功笑曰兄能以一軍見假乎聯未對諸執銳者前
矣唯唯惟命諸軍驚伏莫敢動成功已并聯軍威稜日懾
海上軍皆屬焉可四萬餘人彩率所部南遁○十一月清
兵薄全州入嚴門守兵不戰四潰城中大亂沿道駭掠瞿
式耜令戢不得衣冠危座署中適總督張同敞自靈川回
遇式耜曰事迫矣公將奈何式耜曰封疆之臣知有封疆
封疆既失身將安往同敞曰公言是矣故當共之遂笑與

瞿式耜
絕命詩

式耜飲家人泣請出危城召諸勳再圖恢復式耜揮毫不
從厥明被執見清定南王孔有德式耜以死自誓不復一
言孔有德命幽式耜同敞於別所式耜賦詩曰與同敞慶
和遂遇害其絕命詩云從容待死與城亡千古忠臣自主
張三百年来恩澤久頭絲猶帶滿天香○帝復去上南寧
入土虜嚴起恒王化澄等皆隨去○十二月清兵陷廣州
鎮帥江寧伯杜永和奔瓊州○五年正月朱成功謀接杜
永和率眾而南二月舟次平海衛是時清將馬得功偵兩
島無守備攻廈門陷之鴻逵棄揭陽回島攻圍得功得功
欲退不得謂鴻逵曰公等眷皆在安平脫得功不出恐不
利公家鴻逵患之乃逸得功四月成功至自平海得功去

兩日矣。成功大悔恨。按失律罪。移鄭芝莞。芝莞成功。從叔守島者也。諸將獲慄。兵勢復振。鴻達泊白沙。築寨以居。五月。成功攻南溪。敗之。十二月。攻漳浦及海澱。清守將楊世德。陳竟策。郝文興等皆降。○六年二月。朱成功攻長泰。清副將王進與中提督甘輝遇于北溪。二人俱雄健。聞于軍。久。念決。雄。迺奮。過。傳。夫。以。兩。馬。相。當。輝。堪。進。則。隱。之。進。穀。輝。亦。落。之。自。已。向。午。縱。橫。跌宕。既。而。兩。家。兵。至。于。是。迺。解。進。入。長。泰。輝。日。夜。攻。克。之。進。與。數。十。騎。出。走。郡。城。漳。浦。屬。邑。俱。下。○五月。清總兵馬逢知來援。突入郡城。朱成功圍之。不下。城中食盡。人相食。枕籍死者七十餘萬人。十月。清接兵大至。乃解圍去。成功久頓堅城。師老糧匱。乃收兵。

朱成功
防成
清兵
海澱

保海澱。○帝在安隆所封李定國為西寧王。破清定南王孔有德于桂林。敬謹王尼堪于衡州。○七年五月。清兵攻海澱。城壞百餘丈。朱成功親立雉堞。督眾堵禦。左右死者層積。成功與諸將飲敵樓。矢礮雨下。指揮自若。大呼曰。天尚贊我。無落吾事。須臾下息。礮碎其座。一夕忽空。砲迺發。成功謂諸將曰。賊將臨城。勒兵持斧以待。清兵渡濠入郭。大呼登城。眾舉斧砍之。清兵死傷填濠。大敗。宵遁。澱守益堅。○八年五月。清遣使招朱成功。為海澱公。成功不從。數出兵。縱橫福興泉漳等郡。十月。清復遣使招之。成功不從。清王怒。寘鄭芝龍于高俎。成功不顧。十二月。攻漳州。清守將劉國軒。朴世用等降。屬縣十邑俱下。乘勝畧泉州屬邑。

成功軍律明肅無所淫略分所部為七十二鎮合六官分
理庶事改中左所為思明州以鄧會知州事奉監國魯王
盧溪王寧靖王居金門凡諸宗室厚給贍之禮待避隆薦
紳王忠孝等軍國大事時以諮之凡所便宜封拜輒朝服
北向誓首望行在疏而焚之○九年朱成功數出軍六月
取安平鎮漳州及惠安南安同安三邑十一月清定遠大
將軍庶子王入閩成功回島○十年正月庶子王略沿海
攻兩島大敗而還六月朱成功將北略尅日解纜臨期部
將黃梧賴明等陰降于清諸軍潰去甘輝聞亂進攻不勝
遂從成功破閩安鎮逼福州○十一年三月帝在雲南鄭
鴻逵卒于浯洲朱成功回島○十二年帝遣使航海晉朱

成功延平郡王甘輝崇明伯其他拜爵有差七月成功議
大舉取南京部署諸將甲士十七萬習流五萬習馬五千
鍊人八千號八十萬戈船八千揚颿北上至浙江攻樂清
等州縣克之○十三年五月帝在永昌朱成功至崇明諸
將請先取崇明為老營成功不聽七月至焦山謂諸將曰
瓜鎮為金陵門戶須先破之授諸將機宜自督親軍進中
提督甘輝左提督翁天祐等建大將旗鼓直擣瓜洲清將
朱衣祚左雲龍等率滿漢騎兵一萬會戰成功麾軍大進
右武衛周全賦率兵登岸直破清陣斬雲龍于橋下衣祚
奔城正兵鎮韓其奪門而入登城樹幟全賦望之麾軍疾
進陷西北隅以入搜殺清兵皆盡遂進取蕪湖亂揚子趣

鎮江壘于銀山。清兵數萬萃而攻之，不動。駐騎射如雨，成功令發火砲，多鼓鈞聲，廊瓦皆動。清兵大北，鎮江屬邑皆下。成功乃令張煌言、楊朝棟等招撫江南江北。于是當州、徽州、池州、太平、滁和、六合等州郡多欲附者。蕪湖縣清守兵皆遁。甘輝曰：瓜鎮為南北咽喉，但座鎮此，斷瓜洲，則山東之師不下，南都不勞而定矣。成功不聽。率師登舟，進取金陵，檄四方。八月，舟至觀音門，登岸，軍於獅子山，度營壘。令將士分屯諸山。成功屯岳廟。甘輝曰：夫兵貴先聲，彼眾我寡，擊其未定，宜拔。若彼集禦固，君必悔之。成功不聽。輝退而告人曰：吾不復此矣。既而清兵薄前鋒營，統領余新擊敗之，遂輕敵無備，成功聞之，令人馳讓新，猶如故。清副

先甘輝見揮

將梁化鳳襲其營，新不及，甲倉皇出走。遂就禽。成功遣軍馳援，已無及矣。明日，清兵出步卒，擣中堅，成功率親軍擊敗之。清兵數萬從山後出，薄左前鋒營。將士轉戰三合，三却，遂敗走。諸將萬禮、林勝等皆陣歿。成功麾軍急退，爭舟而渡。獨甘輝且戰且走，至江，騎能屬者三十餘人。凡所擊殺數十百人。馬躡被獲，至城南金水橋。余新方屈膝，輝怒踢之，戰手罵不屈，死最烈。十月，成功還島，祠忠臣廟，以甘輝為第一。曰：吾早從甘輝之言，不及此。十四年五月，清將軍達素、總督李率秦部合滿漢軍攻兩島。朱成功自執諸部扼海門，傳令諸將碇海中流，按軍不動。清船進至諸軍倉卒受命，莫敢先發。清兵乘之，副將陳克筴等死焉。東

朱成功
取成
臺灣
之遷

風盛猛。清船既得上流。成功自手旗起師。引巨艦橫擊之。風吼濤立。一海皆動。北人不諳水。眩暈不能軍。僵屍布海。大敗而退。竟成功之世。無覆島者。○十五年。帝在緬甸。朱成功自江南喪敗。地蹙軍孤。念帝蒙塵于外。存亡不可知。第放天祐。天復故事。孤持正朔。乃議取臺灣。遷之。臺灣為土蕃部族。在南紀之曲。東倚層巒。西迫巨浸。北之雞籠城。與福州對峙。南則河沙磯。小琉球。近焉。周袤三千餘里。孤嶼環瀛。相錯如繡。物產之利。畊耘並耦。日用之需。無所不有。固東南之一大聚落也。鄭芝龍嘗居之。未久而去。荷蘭人來。盤踞其地。諸將以險遠為難。談極日而不決。成功意銳。換舵東甲。遂行。三月。泊澎湖。狗曰。賊吾鷓首。所鄉至鹿

朱成功
改
臺
安
鎮
為
平
鎮

耳門。則水驟漲丈餘。木小戰艦橫縱畢入。紅夷大驚。以為自天而下。成功以手加額曰。此天所以哀孤而不委也。天赦孤臣。必有寧宇矣。引兵登岸。克赤崁城。荷蘭戰不利。退保王城。○清主福臨殂。是為世祖第三子玄燁嗣位。改明年為康熙元年。十月。棄鄭芝龍于獄。市子孫在京者。皆戮之。遷各省沿海邊界居民。以絕接濟。十二月。朱成功復攻王城。因風縱火。燒其夾板。告之曰。此地迺先人故物。珍瑤不急之物。悉聽而歸。地歸我。兵始罷。荷蘭乃降。送之歸國。諸土酋皆受約束。改臺灣為安平鎮。赤崁城為承天府。總曰東都縣。曰天興。萬年。成功既聞清遷界令。下嘆曰。使吾狗諸將。意不自斷。東征得一塊土。英雄無用武之地。增補元明史略卷之四

功學
臺官

功朱
臺卒成

矣沿海萬里盡委棄之使田廬井墟墳墓無主寡婦孤兒望哭天末惟吾故之以今雖披猖亦復何用但收拾餘燼銷鋒灌燧息兵休農待天下之清未晚也迺立興法辟刑獄起學官計丁庸養老幼物土方臺人大集鄭氏遂安○十六年朱成功長子經居島頗耽聲色與乳媪通生子成功治家嚴肅聞之大怒遣使至島諭鄭泰監殺經及經母董以教兒不謹也諸部大驚又知成功病革或亂命不從謀保全五月延平郡王招討大將軍朱成功卒于臺灣年三十九臺人以其弟襲為講理六月成功赴至島經嗣位清靖南王耿繼茂遣人招諭泰等議曰先藩連年用兵徒苦父老東行之時猶令權宜通好今日當為桑梓計請經

帝崩
朱經
猶奉
朔稱
永曆

經曰吾將東諸君善圖之議昭朝鮮事例遣人通好不報十月經帥師往臺灣黃昭奉襲拒經經射昭殪衆遂巡稅甲經遂入臺收殺主謀者餘寘不問待襲如初○十七年清康熙帝崩于漠城赴音至朱經猶奉朔稱永曆始鄭泰潛結黃昭拒經事露經乃佯置酒邀泰縊殺之泰子縉弟鳴駿亡歸清將士先後歸清者多矣于是清王銳意南掠令將士分道疾進經分部死士禦之眾寡不敵退守銅山清兵入島墮兩城棄其地收其寶貨婦女而北兩島之民爛焉自是之後親族兵將大抵皆降于清獨有陳永華馮錫範等及經還臺大小庶事悉委永華永華為政頗雜儒雅與民休息改東都為東寧令諸將土地修菟裘視無西

意○十九年清康熙四年清令水師提督施琅攻臺灣船至外

洋為颶風飄散不克而還○二十三年清康熙八年春清王遣

入招諭朱經不從清亦不敢加兵經令其將往來島上互

市○二十七年清康熙十二年十一月清平西王吳三桂據雲南

四川貴州以叛○二十八年清康熙十三年三月清靖南王耿精

忠據福建亦叛馳數騎傳檄七建皆下授提督王進功等

將軍官勢威頗振遣使入臺請濟師四月清潮州總兵劉

進忠以城降于精忠精忠調海澄總兵趙得勝兵得勝不

從與將士議奉朱經經以陳永華為留守總制率侍衛馬

錫範兵官陳繩武史官洪磊等渡海而西授得勝興明伯

左都督自經東遷偃武息民兵甲鈍敝船不滿百軍不滿

吳桂于
三叛清

萬精忠頗易之經遣人說精忠借漳泉二府為召募精忠

難之于是耿鄭交惡五月經取同安清守將張學堯降精

忠懼以都尉王進守泉州六月王進功子藩錫誘殺泉州

城守賴王兵民多從藩錫者遂逐進納款于經經乃入泉

州授藩錫指揮使盡委國事七月清兵圍潮州精忠不能

救進忠亦納款于經經遣舟師援之以進忠為定虜伯前

提督九月精忠命王進取泉州十月經命將士敗進于奎

嶺追至興化而還吳三桂禮曹周文驥使經平耿鄭○二

十九年清康熙十四年正月耿精忠遣使于朱經議和以楓亭為

界五月右武衛劉國軒入潮州與左虎衛何祐及劉進忠

兵數千人狗屬邑之未下者清平南王尚可嘉兵十餘萬

盡銳來攻相持久國軒食盡議退守潮可嘉麾發騎晨掩
 祐軍戰于鯨母山下祐以身先旗直貫驍騎出其左右國
 軒繼之大敗清軍追奔四十餘里斬首二萬捕虜七千
 藉死者徧滿山谷國軒威名震于南粵六月經帥諸將圍
 漳州黃芳度芳度清海徵公梧子方經之至島陽為受命
 陰通于清事泄於是經圍之芳度盡力防戰十月克之芳
 度投井而死○三十年清康熙十五年二月清平南王尚之信降
 于吳三桂三桂讓惠州于朱經劉國軒入踞之九月清兵
 入閩耿精忠降其守將馬成龍以興化款于經初精忠思
 與鄭氏併力已而不協清擊其外鄭擊其內前後跋扈
 至于敗○三十年清康熙十六年正月趙德勝何祐拒清兵于

興化城下清兵縱反間祐疑得勝貳于清而不扶師潰得
 勝戰死興化遂陷泉漳二州亦潰朱經退入島六月劉國
 軒棄惠州入島經以國事委國軒今年吳三桂病死○三
 十二年清康熙十七年二月朱經授劉國軒中提督揚帆入鎮門
 壁碧湖戰于赤嶺清總督郎廷相等按兵漳上泉福潮三
 州兵後先來援國軒數戰皆敗之遂取平和漳平圍海澄
 六月清主以布政姚啓聖為總督趣諸軍援澄次葛布山
 隔帶水相望而已圍中食盡城破提督段應舉自經清兵
 自縊死者甚衆國軒軍威益熾遂取長泰同安七月乘勝
 圍泉州八月清令兵五路剋期援泉州九月國軒帥二十
 一鎮與清兵戰于龍虎山大敗亡師五千國軒尾所乘馬

泗河以道。○三十三年。清康熙二十八年二月。朱經敗清兵于定海。

八月。清兵攻蕭井寨。不克而還。十一月。清姚啟聖開第于

漳州。曰修來館。不愛官爵銀幣。招誘之。漳泉人多降。○三

十四年。清康熙十九年正月。清水師提督萬正色大會舟師攻島。

進逼海壇。朱經命左武衛林陞左鎮朱天貴等禦之。望清

軍畏其衆。棄海壇而退。陞令數舟取水寮邏。諸戈舡望風

而潰。海上諸鎮多降于清。正色遂陷兩島。經率諸將復入

臺灣。○三十五年。清康熙二十年正月。延平郡王世子朱經卒于

臺灣。凡經嗣位。十九年。奉永曆正朔。佩招討大將軍印。經

世子無所受命也。長子克壘。螟蛉子也。原姓李。經嬖妾

養之。經莫知也。及經西。克壘為監國。克壘嚴毅。頗倣成功

朱經卒于臺灣

諸弟畏之。迨經敗東還。以國付克壘。亡。何經卒。諸弟揚言

曰。克壘非吾骨肉。一旦得志。吾屬無遺類。經母董氏命

監國印。幽殺克壘于別室。立次子克塽。克塽幼。髮初覆額

授劉國軒武平侯。馮錫範忠誠伯。八月。董氏卒。○三十七

年。清康熙二十二年清以萬正色為陸路提督。施琅為水師提督。

大舉南侵。劉國軒督精兵二萬守澎湖。令林陞丘輝等約

眾二萬集于雞籠嶼。大戰。清兵不利。琅集矢于目而退。以

甲裳裹首。集諸將申軍令。自總兵以下皆按。以失律罪。諸

將蒲伏祈請。以立功自贖。兵氣復振。陷虎井嶼。乃誓師。分

為八隊。琅自統一隊。居中調度。國軒發火矢。噴筒。熾焰怒

張。清兵乘銳夾擊。自辰至午。兵氣益厲。國軒軍敗。林陞丘

張清兵乘銳夾擊自辰至午兵氣益厲國軒軍敗林陞丘

死節

輝寺皆戰死。大小戰艦二百餘艘燒亡。餘衆多降于清國。
 軒知勢不敵，急乘走舸，佚去澎湖。既陷，琅給降卒四千餘。
 人以饟米，傷未及死者，醫治送還。臺灣大震，寧靖王術桂
 自以明家，龍種義不可辱，迺具冠服，招臺人從，容別飲，投
 環以死。臺人為流涕。八月，琅統舟軍至鹿耳門，國軒馮錫
 範、何祐等奉克塽迎降。克塽嗣位。二年，時年十五。琅禮待
 克塽及諸將帥，歸之燕京。清主授克塽漢軍公。至康熙三
 十九年，清主念朱成功明室遺臣，非吾亂臣賊子，特賜成
 功及子經歸葬南安。如田橫故事。

右明自太祖洪武元年戊申，至帝由榔永曆十七年
 癸卯，凡二十世二百九十六年而亡。後鄭氏奉永曆

正朔二十年。通計三百十六年，而明曆盡。

增補元明史略卷之四畢

元明史畧補跋



春秋之書。宗華卑夷。法固嚴矣。
 考其世蹟。周室式微。吳楚僭王。
 於是孔子因舊史。纂修之曲。
 刑萬世。益以感傷。不可止也。往

高松儒臣芝山後藤氏據明徐弘
謬古今全史作元明史畧三卷事
甚簡明華夷盛衰歷止歷可徵
實有益之書也哉藤欽若讀
其書恨易畢篇取諸史策增

補之贅厘為四卷以來負學者其
功可嘉夫後藤氏之作蓋有思
春秋之典刑也欽若之補亦應
非無所思也余今閱之則知孔
子稱管仲之仁之意矣抑亦

夷狄有君。諸夏之亡。噫。

享和辛酉仲秋日

栗原野翁巖垣彦明撰



萬延庚申季秋三刻

京都書肆

御幸甲御池南

菱屋孫兵衛



